## PENDARIES (Guilhaume), notaire de Villemur (Villemur-sur-Tarn), minutes 1604, Archives départementales de la Haute-Garonne, cote 3E 21758, f° 182, PH/JCHR/6423.

Clxxxij

(...)

Testement de Jacme esquie labo(u)reur del Terme

Au nom de dieu soit saichent tous presans & advenir que ce() jourduy second du moys de jung mil six cens quatre appres() midy au lieu du terme vico(m)te de villemur et dans la mai(s)on du testateur bas nomme etc regnant henry etc pardevant moy no(tai)re e(t)() tesmoings bas nommes constitué en sa personne jacme esquie dit trebailh labo(u)reur habitant dud(it) lieu del terme lequel estant dans son lict a une salle basse de sa mai(s)on & devers le couchant detenu de certaine maladie corporelle toutesfois en ses bons sens e(t)() parfaite memoire bien parlant voyant ouyant & cognoissance

considerant la mort corporelle luv estre certaine et l() heure d() icelle incertaine a voleu pourveoir au salut de son ame e(t)( )disposer des biens temporelz que dieu luy a donnes en ce monde de son son bon gre e(t)() franche volonte non induit a ce f(air)e ceduit ny suborne ainsy que a dit ains de sa ceule (ou (p)art?) sciene a faict dit e(t)() ordonne son testement en la forme e(t)( )maniere que s( )ensuit premierement par ce q(ue) les choses spirituelles sont plus dignes que les temporelles icelles doibvent prefferer a faict le signe de la sinte croix sur sa [per]sonne disant au nom du pere du filz et du sainct (e)sprit amen a recommande son ame a dieu le pere tout puissant au filz et au saint (e)sprit ung dieu en troys [per]sonne le priant qu() il luy plaise la separa(ti)on faicte de son ame avec le corps icelle ame collocquer en son royaume celeste de paradis et ce par l()intersession de la glorieuse vierge marie et de tous les bienheureux saintz et saintes de paradis item veult & ordonne que lad(ite) separa(ti)on faicte de son ame avec le corps q(ue) sond(it) corps soit ensepvely au saint cemitiere de l() eglize saint estienne del terme et au tumbeau de ses parens & amis trepasses de ce monde en l( )au(tr)e et quant a ses honneurs funebres s( )en remet a la discrection de lizette vargueze sa femme laquelle led(it) testateur veult & ordonne que soit maistresse seigneuresse & administraresse de tous et ch(asc)ungs ses biens a vendre e(t)( )despendre en cas de necessite tant qu()ell(e) vivra en ce monde

## Clxxxiii

vivant viduellement et honnestement no(u)rrissant s--et entretenant leurs enfan(t)s sy apres nommes comme elle les a entretenus jusques y cy et au cas ne ce pourroit accorder & compatir avec sesd(its) enfan(t)s et here(tier)s bas nommes en ce cas led(it) testateur luy donne e(t)() legue pour sa pen(ti)on annuelle tant qu()elle tiendra viduite s--comme dit est scavoir troys hemines bled froment troys hemines seigle le tout a mesure de villemur payable en ch(asc)ung jour de la magdeleyne une pipe bon vin clairet e(t)( )pur en ch(asc)une feste de saint michel de septembre une pugniere de sel le ung de l( )an ung pourceau jusques a la valleur de cinquante soulz t(ournoi)s a ch(asc)ung jour de noel une ch(asc)une des quatre festes de l() an dix soulz argent robbe drap blanc ou que de troys en troys avec ung pair soliers et chausses *ch(asc)unament* (?) et veult q(ue) sesd(its) here(tier)s bas nommes soient teneu un ch(asc)unament (?) au seul (?) proffit de lad(ite) bargueze sa femme luy servir (?) une pugniere de grains de lin dans les terres de lad(ite) heredite et pour sa demeure veult qu( )elle aye la susd(ite) salle basse ou il est a present malade le chay y joignant et qu()ell(e) aye faculte de f(air)e jardrin pour son service en tel lieu de son bien q(ue) luy semblera item donne e(t)() legue led(it) testateur par maniere d()institu(ti)on et hereditaire portion a jean(n)e esquiere sa filhe legitime & naturelle pour son adot & verquiere quant ce mariera la somme de cent livres t(ournoi)s deux robbes l() une drap violet et l()aut(r)e blanc ung lict garny de coitte coissin avec soixante livres de plume quatre linceulz bons e(t)( )suffizans

une flessade blanche du p(rese)nt pais et po(ur) la feste des nopces un sac bled mesure de villemeur le tout payable savoir la moytie de lad(ite) som(m)e de cent livres la robbe drap violet le lict garny de coette coissin flessade et linceulz ensembl(e) led(it) sac de bled le jour de la solempnisa(ti)on de son mariage et l( )aut(re) robbe drap blanc dans ung an apres et l() aut(re) moytie de lad(ite) som(m)e que sont cinquante livres t(ournoi)s dans troys ans apres led(it) mariage et avec ce la faict et institue son he(retier)re particullier(e) & veult q(ue) ne puisse rien plus demander sur ses biens a ses here(tier)s bas nommes et par ce que le chef e(t)( )fondement de tous testement est l( )institu(ti)on d()hoir ou hoirs et que sans icelle tout testement sont ditz invallables a ceste cause led(it) esquie testateur en tous et ch(asc)uns ses aut(res) biens tant meubles & immeubles droitz bois (lire voix) noms & actions quelconque q(ue) luy peuvent [com]peter & apertenir ou q(ue) soient ny ou q(ue) non a faictz et institus ses here(tiers) universelz et generalz et de sa propre bouche les a nommes et surnommes savoir est jean e(t)( )pierre esquies fr(eres)

ses filz legitimes & naturelz ensemble le postum(e) ou postumes que la susd(ite) barguese porte dans ses flancz s il est masle ou masles venant a estre regenere ou regeneres de l eau du saint bapthesme pour entre eulx partir & diviser par esgalles partz et portions et ch(asc)ung d() eulx de sa part f(air)e &() disposer a ses plaisirs et volontes com(m)e ung ch(asc)ung faict de sa cause propre a la charge de paier et acquitter

## Clxxxiiij

les susd(its) legatz debtes et charges sy poinct en y a et de no(u)rrir e(t)( )entretenir la susd(ite) Jean(n)e esquie sa filhe et nottement paier et acquitter a la susd(ite) barguese sa femme la pen(ti)on et aut(r)es choses a elle sy dessus ordonnees vivant viduellement et honnestement comme a dit est sy dessus et cas advenant qu()icelle varguese sad(ite) femme viendroit a soy acoucher d une filhe en estant regeneree de l eau du saint bapthesme en ce cas luy donne et legue pareilhes som(m)e de cent livres lict robbes linceulz et sac de bled sy dessus legue a lad(ite) jean(n)e esquiere sa filhe pour ce collocquer en mariage le tout payable par sesd(its) here(tiers) sus nommes a mesmes termes que l'aut(re) et oult(r)e ce veult & ordonne q(ue) soit no(u)rries entretenues vestues & chaussees sur ses biens et heredite jusques a ce qu() elles viennent a ce collocquer en mariage a la charge par elles de travailher sellon leur possibilité au proffit de sesd(its) here(tiers) et au cas la susd(ite) jean(n)e esquiere sa filhe ou aut(r)e femmelle le susd(it) postum(e) estant femelle comme dit est viendroient a deceder en bas aage sans enfan(t)s ou sans f(air)e testement veult q(ue) le legat a elles fait reto(u)rne de plain droit a sesd(its) here(tiers) pour en f(air)e a leurs plaisirs & volontes et sy l() ung ou l() aut(r)e de sesd(its) enfan(t)s et here(tiers) susd(its) viennent a deceder sans enfan(t)s ou de leur legitime mariage procres ou sans f(air)e testement veult & ordonne que les biens du decedant demeure & apartienne au survivant ou survivan(t)s et au cas tous sesd(its) enfan(t)s decederoient sans enfan(t)s ou sans f(air)e testement dcomme dit est en ce cas leur substitue la filhe ou filhes et ainsy

tous mourant veult & ordonne q(ue) tous et ch(asc)ungs sesd(its) biens et heredite demeurent et apartiennent de plain droit a jacme jean aut(r)e jean et aut(r)e jean esquies filz a feus jean e(t)() janot esquies & nepveus aud(it) teste testateur pour entre eulx partir et diviser esgallement et ch(asc)ungs de son quatrie(sme) f(air)e et disposer a leurs volontes tant en la vie q(ue) en la mort saulfz et reserve q(ue) en ce cas led(it) testateur donne & legue a la susd(ite) varguese sa femme en recompence des bons & agreables services qu() il en a receu recoit e(t)() espere recepvoir oultre e(t)() part son

adot et augment d()icelluy savoir est tous et ch(asc)ungs ses biens Imeub meubles co... ble... unis et generallement toutes choses *meubles* (?) fors e(t)( )reserve la vaissell(e) vinaire voullant et ordonnant led(it) testateur q(ue) sy l() ung ou l aut(re) de sesd(its) nepveus veunoit a mourir sans enfant ou sans f(air)e testement g(ue) les biens du decedant reviennent au survivant ou survivants et ainsy les substitue a l() ung a l() aut(re) et ce dessus led(it) testateur a dit e(t)( )declaire estre son der(nier) & valable testement no(n)cupatif cassant revocquant e(t)( )du tout annullant tous aut(r)es testemen(t)s codicilles et donna(ti)ons sy poinct en y a de faitz ou faites excepte le presant q(u'i)l veult q(ue) vailhe e(t)() soit valable par droit de testement no(n)cupatif et sy ne valloit ou pouroit valoir par droit de testement no(n)cupatif veult que vailhe e(t)() soit valalble par droit de codicille et sy ne valloit ou pouroit valoir par droit de codicilles veult q(ue) vailhe et soit valable par droit de donna(ti)on

## Clxxxv

faicte ent(re) vifz a jamais yrrevocable et par tout aut(r)e droit uz stil et constract q(ue) mieulx pourra valoir priant e(t)() suppliant les tesmoings bas nommes par luy recogneus & nommes l() ung appres l() aut(re) luy porter tesmignage de verite et ce souvenir de son p(rese)nt testement & volonte derniere et a moy no(taire) luy en retenir inst(rumen)t se qu ay faict ez presances e(t)() tesmoignage de sire bernard demons (?) app(oticai)re jean bosquet cordonier pierre costans marchant jean fornie dit joantet et jean pegue laboureur habitan(t)s dud(it) lieu del terme et de moy susd(it) pendaries no(tai)re royal dud(it) villemeur requis soubzsigne avec lesd(its) demons (?) et bosquet le testateur e(t)() aut(res) tesmoings ont dit ne scavoir.

Pendaries not(aire)

(NB : sans autre signature.)